

Adresseinformasjon fylles inn ved ekspedering. Se mottakerliste nedenfor.

Vår dato: 26.01.2026

Vår ref.: 202601438-2 Oppgi ved kontakt

Dykkar ref.:

Offentleg høyring - Detaljplan for miljø og landskap - Ny vassveg Fausa kraftverk - Stranda kommune

NVE sender med dette detaljplan for miljø og landskap for utskifting av vassvegen på Fausa kraftverk i Stranda kommune på offentlig høyring. Det er Tussa Energi AS som søker NVE om godkjenning av detaljplanen.

Kort oppsummering av tiltaket

Fausa kraftverk er eit gammalt kraftverk som ligg ved Storfjorden nord for Stranda. Kraftverket har inntak i Nysetervatnet. Frå inntaket går vassvegen i tunell om lag 1060 meter til eit lukehus der vassvegen går over i ein kombinasjon av trerøyr og stålrøyr som ligg på bukkar i dagen. Delen av vassvegen som går i dagen skal skiftast ut, saman med mellom anna bygging av nye lukehus. Konesjonær Tussa Energi AS skriv mellom anna følgjande om tiltaket; «*Vedtak om konsesjonsfritak for omsøkt løsnings ble gitt i 2021, og ligger til grunn for valgte løsninger.*».

Detaljplanen viser dei ulike anleggsområda og kva permanente og mellombelse inngrep prosjektet vil medføre. Oppstart av anleggsarbeida er planlagt våren 2026 og vil tentativt foregå fram til oktober 2026.

Detaljplanen er tilgjengeleg på NVE si nettside under «bygging og drift»: www.nve.no/8549/V. Generell informasjon om miljøtilsynet si oppfølging av vassdragsanlegg finn de på [Nve.no - Miljøtilsyn vassdragsanlegg](http://Nve.no-Miljøtilsyn-vassdragsanlegg).

NVE sender detaljplanen ut på offentlig høyring fordi dette er eit eldre vassdragsanlegg med konsesjon som skal byggjast om.

NVE si handsaming av detaljplanen

Konsesjonen gitt i kgl. res. 08.05.1952 og NVE sitt vedtak om fritak frå konsesjonsplikt datert 26.05.2021 ligg til grunn for denne høyringa og difor er ikkje konsesjonsspørsmålet gjenstand for ny høyring. Konsesjonspliktavurderinga ligg publisert på vår nettside saman med detaljplanen (sjå lenke høgare opp).

NVE skal godkjenne detaljerte planar for miljø og landskap før arbeida kan setjast i gang. Vi kontrollerer at arbeida skjer i samsvar med konsesjonsvilkår og godkjende planar. Vi vil og kontrollere at anleggsområda vert rydda opp og sette forsvarleg i stand.

E-post: nve@nve.no, Postboks 5091, Majorstuen, 0301 OSLO, Telefon: 22 95 95 95, Internett: www.nve.no
Org.nr.: NO 970 205 039 MVA Bankkonto: 7694 05 08971



Forholdet til plan- og bygningslova

Med heimel i forskrift om byggesak § 4.3 er vassdragsanlegg med konsesjon etter vassdragslovgevinga unnateke frå byggesakshandsaming etter plan- og bygningslova. Detaljplanen for miljø og landskap skal likevel vere avklart i høve til kommuneplanen sin arealdel eller gjeldande reguleringsplanar. Vi gjer merksam på at vilkåret for å gi dispensasjon alltid vil vere til stades for tiltak som har konsesjon etter vassressurslova, vassdragsreguleringslova og energilova. Dette følgjer av lovkommentar til plandelen i plan- og bygningslova, revidert utgåve 2022.

Kva ønskjer vi tilbakemelding på frå høyringspartane?

Vi ber om uttale på arealbruk, utføring og avbøtande tiltak som er skildra i detaljplanen. Lokale forhold og ny kunnskap om naturmiljøet er relevant. Uttale frå sektormyndigheiter og interesseorganisasjonar bør vere innfor deira ansvarsområde.

Privatrettslege forhold vert ikkje vurdert av NVE og må handterast mellom partane.

Konsesjonæren sitt ansvar

Vi ber Tussa Energi AS om å varsle grunneigarar og andre med rettar i området som vert råka av tiltaket, og samtidig informere om fristen for uttale.

Konsesjonæren har ansvaret for å avklare privatrettslege forhold med dei som vert råka og har rettar i området. I tillegg må konsesjonæren innhente nødvendige løyve etter anna lovverk før arbeida kan ta til.

Uttale til detaljplanen

Alle som har meningar om saka kan sende uttale via e-post til nve@nve.no, eller pr. brev til: NVE, Postboks 5091, Majorstua, 0301 Oslo.

Merk uttalen med «Uttale» og saksnummer 202601438 i emnefeltet. Oppgi namn og organisasjonsnummer i innleiinga viss du representerer ein interesseorganisasjon/verksemd.

Frist for å sende uttale er 10.03.2026

Som del av NVE si handsaming vert uttalar eller deler av uttalar referert i utgåande brev. Dersom han er lang er det ein fordel at det vert utarbeidd eit samandrag som kan brukast til dette. Av same grunn ønskjer vi å få teksten elektronisk. Uttalar er offentlege dokument. Sentrale saksdokument vert lagt ut på NVE sine nettsider.

NVE ønskjer tilbakemelding viss viktige partar ikkje er på lista over mottakarar av dette brevet.

Med helsing

Randi Holme
fagleiar

Karianne Rognhaugen
overingeniør

Dokumentet sendast utan underskrift. Det er godkjent i samsvar med interne rutinar

**Mottakarliste:**

STATSFORVALTAREN I MØRE OG ROMSDAL

Møre og Romsdal fylkeskommune

Norges Jeger- og Fiskerforbund - Claus Callesen

Stranda kommune

SYKKYLVEN KOMMUNE

NATURVERNFORBUNDET I MØRE OG ROMSDAL

Sabima Samarbeidsrådet For Biologisk Mangfold

Forum for natur og friluftsliv Møre og Romsdal

Mattilsynet

DNT SUNNMØRE

Sunnmøre Friluftsråd

Norges Jeger og Fiskerforbund, Møre og Romsdal

Kopimottakarliste:

TUSSA ENERGI AS